


影刊宋金元明本詞

第七册

蘇子瞻
知學
PDG


景宋本于湖居士樂府四卷



景
來
本
行

湖
后
本
樂

府
四
羨



于湖居士文集卷第三十一

樂府

六州歌頭

長淮望斷，關塞莽然平。征塵暗，霜風勁，悄
邊聲。黯銷凝。追想當年事，殆天數，非人力。
洙泗上，絃歌地，亦殫腥。隔水蘊鄉，落日牛
羊下，區脫縱橫。看名王宵獵，騎火一川明。
笳鼓悲鳴，遣人驚。念腰間箭匣中，劔空
埃蠹竟何成。時易失，心徒壯，歲將零。渺神
京。干羽方懷遠，靜烽燧，且休兵。冠蓋使紛

馳騫若爲情聞道中原遺老常南望翠葆
霓旌使行人到此忠憤氣填膺有淚如傾

水調歌頭

爲摠得居士壽

隆中三顧客圯上一編書英雄當日感會
餘事了寰區千載神交二子一笑眇然茲
世卻願駕柴車長憶淮南岸耕釣混樵漁
忽扁舟凌駭浪到三吳綸巾羽扇容與
爭看列仙儒不爲尊鱸笠澤便掛衣冠神
武此興渺江湖舉酒對明月高曳九霞裾

又凱歌上劉恭父

猩鬼嘯篁竹玉帳夜分弓少年荆楚劍客
突騎錦襜紅千里風飛雷厲四校星流彗
掃蕭斧剉春葱談笑青油幕日奏捷書同
詩書帥黃閣老黑頭公家傳鴻寶祕略
小試不言功聞道璽書頻下看即沙堤歸
去帷幄且從容君王自神武一舉朔庭空

又 泛湘江

濯足夜灘急晞髮北風涼吳山楚澤行徧
只欠到瀟湘買得扁舟歸去此事天公付
我六月下滄浪蟬蛻塵埃外蝶夢水雲鄉

製荷衣紉蘭佩把瓊芳湘妃起舞一笑
撫瑟奏清商喚起九歌忠憤拂拭三閭文
字還與日爭光莫遣兒輩覺此樂未渠央

又金山觀月

江山自雄麗風露與高寒寄聲

一本作牋

月姊借

我玉鑑此中看幽壑魚龍悲嘯倒影星辰搖
動海氣夜漫漫湧起白銀闕危駐紫金山
表獨立飛霞珮切雲冠漱冰濯雪眇視
萬里一毫端回首三山何處聞道羣仙笑
我要我欲俱還揮手從此去翳鳳更駉鸞

又汪德邵無盡藏

淮楚襟帶地雲夢澤南州滄江翠壁佳處
突兀起紅樓憑仗使君曾次與問老仙何
在長嘯俯清秋試遣吹簫看騎鶴恐來游
欲乘風凌萬頃汎扁舟山高月小霜露
既降凜凜不能留一吊周郎羽扇尚想曹
公橫槊興廢兩悠悠此意無盡藏分付水
東流

又隱靜山觀雨

青嶂度雲氣幽壑舞回風山神助我竒觀

喚起碧霄龍電掣金蛇千丈雷震靈鼉萬
疊洶洶欲崩空盡瀉銀潢水傾入寶蓮宮
坐中客凌積翠看奔洪人間應失七筓
此地獨從容洗了從來塵垢潤及無邊焦
槁造物不言功天宇忽開霽日在五雲東

又桂林集句

五嶺皆炎熱宜人獨桂林江南驛使未到
梅蘂破春心繁會九衢三市縹緲層樓傑
觀雪片一冬深自是清涼國莫遣瘴煙侵
江山好青羅帶碧玉簪平沙細浪欲盡

陡起忽千尋家種黃柑丹荔戶拾明珠翠
羽簫鼓夜沉沉莫問驂鸞事有酒且頻斟

又 桂林中秋

今夕復何夕此地過中秋賞心亭上喚客
追憶去年游千里江山如畫萬井笙歌不
夜扶路看遨頭玉界擁銀闕珠箔卷瓊鈎
馭風去忽吹到嶺邊州去年明月依舊
還照我登樓樓下水明沙靜樓外參橫斗
轉搔首思悠悠老子興不淺聊復此淹留

又 和龐佑父

雪洗虜塵靜風約楚雲留何人爲寫悲壯
吹角古城樓湖海平生豪氣關塞如今風
景剪燭看吳鉤賸喜然犀處駭浪與天浮
憶當年周與謝富春秋小喬初嫁香囊
未解勲業故優游赤壁磯頭落照肥水橋
邊衰草渺渺喚人愁我欲乘風去擊楫誓
中流

又爲時傳之壽

雲海漾空闊風露凜高寒仙翁鶴駕羽節
縹緲下天端指點虛無征路時見雙鳧飛

舞揮斤隘塵寰吹笛向何處
海上有三山
綵衣新魚服麗更朱顏
蟠桃未熟千歲
容與且人間
早晚金泥封
詔歸侍玉皇香
案踵武列仙班
玉骨自難老
未用九霞丹

又為方務德侍郎壽

紫橐論思舊碧落
拜除新內家
勅使傳詔
親付玉麒麟
千里江山增麗
是處旌旗改
色佳氣鬱輪囷
看取連宵雪
借與萬家春
建崇牙開盛府
是生辰
十州老稚都向
今日祝松椿
多少活人陰
德合享無邊長

筭惟有我知君來歲更今日一氣轉洪鈞

又垂虹亭

艤棹太湖岸天與水相連垂虹亭上五年
不到故依然洗我征塵三斗快揖商飈千
里鷗鷺亦翩翩身在水晶闕真作馭風仙
望中秋無五日月還圓倚欄清嘯孤發
驚起壑龍眠欲酌鴟夷西子未辦當年功
業空繫五湖舡不用知餘事尊鱸正芳鮮

又送劉恭父趨朝

鰲禁輟頗牧熊軾賴龔黃一時林莽千險

逢羸午要驅攘金版六韜初試煙斂山空野
迥低草見牛羊旒纒釋南顧戈甲濯銀潢
爾書下褒懿績促曹裝帝宸天近紅旆
東去帶朝陽歸輔五雲丹陛回首楚樓千
里遺愛蒲瀟湘應記依劉客曾此奉離觴

多麗

景蕭疎楚江那更高秋遠連天茫茫都是
敗蘆枯蓼汀洲認炊煙幾家蝸舍映夕照
一簇漁舟去國雖遙寧親漸近數峯青處
是吾州便乘取波平風靜荃棹且夷猶關

三六四
于清 三十一
六
情有冥冥去鴈拍拍輕鷗 忽追思當年
往事惹起無限羈愁拄笏朝來多爽氣秉
燭夜永足清游翠袖香寒朱絃韻悄無情
江水只東流柂樓晚清商哀怨還聽隔舫
謳無言久餘霞散綺煙際帆收

木蘭花慢

送歸雲去鴈澹寒采滿溪樓正佩解湘腰
釵孤楚鬢鸞鑑分收凝情望行處路但踈
煙遠樹織離憂只有樓前溪水伴人清淚
長流 霜華夜永逼衾裯喚誰護衣篝念

粉館重來芳塵未掃爭見嬉游情知悶來
殢酒柰迴腸不醉只添愁脉脉無言竟日
斷魂雙鷺南州

又

紫簫吹散後恨燕子只空樓念璧月長虧
玉簪中斷覆水難收青鸞送碧雲句道霞
靄霧鎖不堪憂情與文梭共織怨隨宮葉
同流 人間天上兩悠悠暗淚灑燈篝記
谷口園林當時驛舍夢裏曾游銀屏低聞
笑語但醉時冉冉醒時愁擬把菱花一半

試尋高價皇州

水龍吟 望九華山作

竹輿曉入青陽細風涼月天如洗峰回路
轉雲舒霞卷了非人世轉就丹砂鑄成金
鼎碧光相倚料天關虎守箕疇龍負開神
祕留茲地 縹緲珠幢羽衛望蓬萊初無
弱水仙人拍手山頭笑我塵埃滿袂春鎖
瑤房霧迷芝圃昔遊都記悵世緣未了匆
匆又去空凝竚煙霄裏

又 過涪溪

平生只說浯溪斜陽喚我歸舡繫月華未
吐波光不動新涼如水長嘯一聲山鳴谷
應栖禽驚起問元顏去後水流花謝當年
事憑誰記 須信兩翁不死駕飛車時遊
茲地漫郎宅裏中興碑下應留屐齒酌我
清尊洗公孤憤來同一醉待相將把袂清
都歸路騎鶴去三千歲

念奴嬌過洞庭

洞庭青草近中秋更無一點風色玉鑑瓊
田三萬頃着我扁舟一葉素月分輝明河

共影表裏俱澄澈悠然心會妙處難與君
說應念嶺海經年孤光自照肝肺皆冰
雪短髮蕭騷襟袖冷穩泛滄浪空闊盡吸
西江細斟北斗萬象爲賓客扣舷獨笑不
知今夕何夕

又張仲欽提刑行邊

弓刀陌上淨蠻煙瘴雨朔雲邊雪幕府橫
驅三萬里一把平安遙接方丈三韓西山
八詔慕義羞椎結梯航入貢路經頭痛身
熱今代文武通人青霄不上卻把南州

節虜馬秋肥鷓力健應看名王宵獵壯士
長歌故人一笑趁得梅花月王春奏計便
須平步清切

又欲雪呈朱漕元順

朔風吹雨送淒涼天氣垂垂欲雪萬里南
荒雲霧蒲弱水蓬萊相接凍合龍岡寒侵
銅柱碧海冰澌結憑高一笑問君何處炎
熱家在楚尾吳頭歸期猶未對此驚時
節憶得年時貂帽煖鐵馬千羣觀獵狐兔
成車笙歌隱地歸踏層城月持杯且醉不

三十四
法集三十一
須北望淒切

又再和

繡衣使者度郢中絕唱陽春白雪人物應
須天上去一日君恩三接粉省香濃宮床
錦重更把絲絢結臣心如不教炙手成
熱還記嶺海相從長松千丈映我秋竿
節忍凍推敲清興蒲風裏烏巾獵獵只要
東歸歸心入夢夢泛寒江月不因蓴鱸白
頭親望真切

又

星沙初下望重湖遠水長雲漠漠一葉扁
舟誰念我今日天涯飄泊平楚南來大江
東去颯颯風波惡吳中何地滿懷俱是離
索常記送我行時綠波亭上泣透青羅
薄檣燕低飛人去後依舊湘城簾幕不盡
山川無窮煙浪辜負秦樓約漁歌聲斷爲
君雙泪傾落

醉蓬萊

爲老人壽

問人間榮事海內高名似今誰比脫屣歸
來眇浮雲富貴致遠鈎深樂天知命且從

容闕世火候周天金文滿義從來活計
有酒一尊有棊一局少日親朋舊家隣里
世故紛紛但蚊蚋過耳解愠薰風做涼梅
雨又一般天氣曲几蒲團綸巾羽扇年年
如是

雨中花

一葉凌波十里馭風煙鬟霧鬢蕭蕭認得
蘭皋瓊珮水館冰綃秋霽明霞乍吐曙涼
宿靄初消恨微顰不語少進還收竚立超
遙神交冉冉愁思盈盈斷魂欲遣誰招

猶自待青鸞傳信烏鵲成橋悵望胎仙琴
疊忍看翡翠蘭苕夢回人遠紅雲一片天
際笙簫

二郎神七夕

坐中客共千里瀟湘秋色漸萬寶西成農
事了穉經看黃雲阡陌喬口橘洲風浪穩
嶽鎮聳倚天青壁追前事興亡相續空與
山川陳迹 南國都會繁盛依然似昔聚
翠羽明珠三市蒲樓觀湧參差金碧乞巧
處家家追樂事爭要做豐年七夕願明年

強健百姓歡娛還如今日

轉調二郎神

悶來無那暗數盡殘更不寐念楚館香車
吳溪蘭棹多少愁雲恨水陣陣回風吹雪
霰更旅鴈一聲沙際想靜擁孤衾頻挑寒
爇數行珠淚凝睇傍人笑我終朝如醉
便錦織回鸞素傳雙鯉難寫衷腸密意綠
鬢點霜玉肌消雪兩處十分憔悴爭忍見
舊時娟娟素月照人千里

千湖居士文集卷第三十一

于湖居士文集卷第三十二

樂府

蒲江紅

秋蒲蘅臯煙蕪外吳山歷歷風乍起蘭舟
不住浪花搖碧離岸櫓聲驚漸遠盈襟淚
顆淒猶滴問此情能有幾人知新相識
追往事歡連夕經舊館人非昔把輕顰淺
笑細思重憶紅葉題詩誰與寄青樓薄倖
空遺迹但長洲茂苑草萋萋愁如織

又于湖懷古

千古淒涼興亡事但悲陳迹凝望眼吳波
不動楚山藂碧巴滇綠駿追風遠武昌雲
旆連江赤笑老姦遺臭到如今留空壁
邊書靜烽煙息通輶傳銷鋒鏑仰太平天
子坐收長策蹶踏揚州開帝里渡江天馬
龍爲匹看東南佳氣鬱葱葱傳千億

又思歸寄柳州

秋蒲灘一作湘本源瘴雲靜曉山如簇動遠思
空江小艇高丘喬木策策西風雙鬢底暉
暉斜日朱欄曲試側身回首望京華迷南

北 思歸夢天邊鵠游官事蕉中鹿想一
年好處砌紅堆綠羅帕分柑霜落齒冰盤
剥芡珠盈掬倩春纖縷鱸搗香糝新筍熟

青玉案

餞別劉恭父

紅塵冉冉長安路看風度凝然去唱徹陽
關留不住甘棠庭院芰荷香渚盡是相思
處 龜魚從此誰為主好記江湖斷腸句
萬斛離愁休更訴洞庭煙棹楚樓風露去
作為霖雨

洞仙歌

和清虛先生
皇甫坦韻

清都絳闕我自經行慣璧月帶珠星引鈞
天笙簫不斷寶簪瑤珮玉立拱清班天一
笑物皆春結得清虛伴 還丹九轉凡骨親曾
換携劍到人間偶相逢依然青眼狂歌醉舞心
事有誰知明月下好風前相對綸巾岸

蝶戀花

行湘陰

漠漠飛來雙屬玉一片秋光染就瀟湘綠
雪轉寒蘆花款款晚風細起波紋縠落
日閑雲歸意促小倚蓬窻寫作思家曲過
盡碧灣三十六扁舟只在灘頭宿

又懷于湖

恰到杏花紅一樹
撚指來時結子青
無數
漠漠春陰纏柳絮
一天風雨將春去
春
到家山須小住
芍藥櫻桃更是尋芳處
遶
院碧蓮三百畝
留春伴我春應許

又送劉恭父

畫戟旂閑刀入鞘
安石榴花影落紅欄小
似勸先生須飲醕
枕中鴻寶微傳妙
袞
袞鋒車還急詔
滿眼瀟湘揔是恩波渺
歸
去槐庭思楚嶠
觚稜月曉期分照

又送姚主管橫州

君泛仙槎銀海去，後日相思地角天涯路。
草草杯盤深夜語，冥冥四月黃梅雨。莫
拾明珠并翠羽，但使邦人愛我如慈母。待
得政成民按堵，朝天衣袂翩翩舉。

鷓鴣天上元設醮

詠徹瓊章夜向闌，天移星斗下人間。九光
倒影騰青簡，一氣回春遶絳壇。瞻北闕
祝南山，遙知仙仗簇清班。何人曾侍傳柑
宴，翡翠簾開識聖顏。

又

子夜封章扣紫清
五霞光裏珮環聲
驛傳風火龍鸞舞
步入煙霄孔翠迎
瑤簡重
羽衣輕
金童雙引到
通明三湘五筦同
民樂萬歲千秋與帝齡

又

憶昔追遊翰墨場
武夷仙伯較文章
琅函奏號銀臺省
羶筆書名御苑墻
經十載
過三湘
橫楣麗錦照
傳觴醉餘吐出
曾中墨只欠彭宣到後堂

又

月地雲堦歡意闌仙姿不合住人間
 驂鸞已恨車塵遠泣鳳空餘燭影殘
 情脉脉淚珊珊梅花音信隔關山
 只應楚雨清留夢不那吳霜綠易斑

又

提刑仲欽行部萬里閱四月而後來歸輒成爲太夫人壽

去日清霜菊滿蓑歸來高柳絮纏空長驅
 萬里山收瘴徑度層波海不風
 陰德徧嶺西東天教慈母壽無窮
 遙知今夕稱觴處衣綵還將衣繡同

又為老母壽

阿母蟠桃不記春長沙星裏壽星明金花
羅紙新裁詔貝葉旁行別授經同犬子
祝龜齡天教二老鬢長青明年今日稱觴
處更有孫枝滿謝庭

又贈錢橫州子山

舞鳳飛龍五百年盡將錦繡裏山川王家
券冊諸孫嗣主第笙歌故國傳居玉鉉
擁金蟬祗今門戶慶蟬聯君侯合侍明光
殿且作橫槎海上仙

又餞劉恭父

浴殿西頭白玉堂
湘江東畔碧油幢
北辰躔次瞻星象
南國山川解印章
隨步武謝恩光
送公歸趣舍人裝
它年若肯傳衣鉢
今日應須酌壽觴

又淮西爲老人壽

晝得游嬉夜得眠
農桑欲徧楚山川
問看百姓知公否
餘子紛紛定不然
思主眷酌民言與民稱
壽拜公前只將心與天
通處合任人間五百年

又 餞劉恭父

割鎗難留乘馬東花枝爭看裊長紅袞衣
空使斯民戀綠竹誰歌入相同 回武事
致年豐幾多遺愛在湘中 須知楚水楓林
下不似初聞長樂鐘

又 平國第生日

楚楚吾家千里駒老人心事正關渠風流
合是堦除玉愛惜真成掌上珠 紆綵綬
薦芳壺老人還醉弟兄扶問將何物爲兒
壽付與家傳萬卷書

又荆州別同官

又向荊州任半年西風催放五湖舡來時
露菊團金顆去日池荷疊綠錢 鄭別酒
扣離絃一時賓從最多賢今宵拚醉花迷
坐後夜相思月滿川

又

憶昔彤庭望日華忽忽枯筆夢生花鬱輪
袍曲慙新奏風送銀灣犯斗槎 追往事
甫新瓜飛蓬何事及蘭麻一江湘水流餘
潤十里河堤築淺沙

又

瞻蹕門前識箇人柳眉桃臉不勝春

一本作香

車油壁照彫輪

短襟衫子新來棹四直冠兒內樣

新秋色淨曉粧勻不知何事在風塵主

翁若也憐幽獨帶取妖饒上玉宸

虞美人 贈盧堅叔

盧敖夫婦驂鸞侶相敬如賓主森然蘭玉
滿尊前舉按齊眉樂事看年年我家白
髮雙垂雪已是經年別今宵歸夢楚江濱
也學君家兒子壽吾親

又代季第壽老人

雪花一尺江南北薪盡炊無粟老仙活國
試刀圭十萬人家生意與春回天公一
笑疇陰德賜與長生籍今朝雪霽壽尊前
看我雙親都是地行仙

又無爲作

雪消煙漲清江浦碧草春無數江南幾樹
夕陽紅點點歸帆吹盡晚來風樓頭自
擘昭華管我已無腸斷斷行雙鴈向人飛
織錦回文空在寄它誰

又

溪西竹榭溪東路溪上山無數小舟却在
晚煙中更看蕭蕭微雨打踈篷無聊情
緒如中酒此意君知否年時曾向此中行
有箇人人相對坐調箏

又

柳梢梅萼春全未誰會傷春意一年好處
是新春柳底梅邊只欠那人人憑春約
住梅和柳略待些時候錦帆風送綵舟來
却遣香苞嬌葉一齊開

又

羅衣怯雨輕寒透
陡做傷春瘦
箇人無奈
語佳期
徒倚黃昏池閣等多時
當初不
似休來好
來後空煩惱
倩人傳語更商量
只得千金一笑也甘當

鵲橋仙

邢少連送末利

北窻涼透南窻月上
浴罷滿懷風露
不知何處有花來
但恠底清香無數
炎州珍產
吳兒未識
天與幽芳
獨步冰肌玉骨
歲寒時
倩問止堂中
留住

間止少連堂名

又落梅

吹香成陣飛花如雪不那朝來風雨可憐
無處避春寒但玉立仙衣數縷 清愁萬
斛柔腸千結醉裏一時分付與君不用嘆
飄零待結子成陰歸去

又

橫波滴素遙山蹙翠江北江南腸斷不知
何處馭風來雲霧裏釵橫鬢亂 香羅疊
恨蠻牋寫意付與瑤臺女伴醉時言語醒
時羞道醒了休教再看

又平國第生日

湘江東畔去年今日堂上簪纓羅綺弟兄
同拜壽尊前共一笑歡歡喜喜渚宮風
月邊城鼓角更好親庭一醉醉時重唱去
年詞願來歲強如今歲

又以酒果爲黃子默壽

南州名酒北園珍果都與黃香爲壽風流
文物是家傳睨血指旁觀袖手東風消
息西山爽氣總聚君家戶牖舊時曾識玉
堂仙在帝所頻開薦口

又戲贈吳伯承侍兒

明珠盈斗黃金作屋占了湘中秋色金風
玉露不勝情看天上人間今夕 枝頭一
點琴心三疊筭有詩名消得野堂從此不
蕭疎問何日尊前喚客

又別立之

黃陵廟下送君歸去上水舡兒一隻離歌
聲斷酒杯空容易裏東西南北 重湖風
月九秋天氣冉冉清愁如織我家住在楚
江濱爲頻寄雙魚素尺

又為老人壽

東明大士吾家老子是一元知非二共携
甘雨趁生朝做萬里豐年歡喜 司空山
上長沙星裏乞與無邊祥瑞仙家日月鎮
常春笑人說長生久視

南鄉子

送朱元晦行張欽
夫邢少連同集

江上送歸舫風雨排空浪拍天賴有清尊
澆別恨悽然寶蠟燒花看吸川 楚舞對
湘絃煖響圍春錦帳羶坐上定知無俗客
俱賢便是朱張與少連

畫堂春 上老母壽

蟠桃一熟九千年仙家春色無邊畫堂日
煖卷非煙畫永風妍 看取疏封湯沐何
妨頻棹觥方瞳綠髮對儒仙歲歲尊前

于湖居士文集卷第三十二

三三三

三三三

三三三

于湖居士文集卷第三十三

樂府

柳梢青 餞別蔣德施粟子求諸公

重陽時節蒲城風雨更催行色隴樹寒輕
海山秋老清愁如織 一杯莫惜留連我
亦是天涯倦客後夜相思水長山遠東西
南北

又 元宵何高士說京師舊事

今年元夕探盡江梅都無消息草市梢頭
柳莊深處雪花如席 一尊鄰里相過也

隨分移時換節玉輦端門紅旗夜市憑君
休說

又探梅

溪南溪北玉香消盡翠嬌無力月淡黃昏
煙橫清曉都無消息無聊更遶空枝斷
菟遠重招怎得驛使歸來戍樓吹斷空成
悽惻

踏莎行

楊柳東風海棠春雨清愁冉冉無來處曲
徑驚飛蛺蝶叢回塘凍濕鴛鴦侶舞徹

霓裳歌殘金縷靡蕪白芷愁煙渚不識陽
臺夢裏雲試聽華表歸來語

又

長沙牡丹花極小戲作此詞并以
二枝為伯承欽夫諸兄一觴之薦

洛下根株江南栽種天香國色千金重花
邊三閣建康春風前十里揚州夢 油壁
輕車青絲短鞵看花日日催賓從而今何
許定王城一枝且為鄰翁送

又

荆南作

旋葺荒園初開小徑物華還與東風競曲
檻暉暉落照明高城冉冉孤煙暝 柳色

金寒梅花雪靜道人隨處成幽興一杯不
惜小淹留歸期已理滄浪艇

又

萬里扁舟五年三至故人相見尤堪喜山
陰乘興不須回毗耶問疾難爲對不藥
身輕高談心會匆匆我又成歸計它時江
海肯相尋綠蓑青蒻看清貴

又

五月十三日月甚佳

藕葉池塘榕陰庭院年時好月今宵見雲
鬢玉臂共清寒冰綃霧縠誰裁剪撲粉

綿侵塵寶扇遙知掩抑成淒怨去程何
許是歸程離觴爲我深深勸

又送別劉子思

古屋藪祠孤舟野渡長年與客分携處漠
漠愁陰嶺上雲蕭蕭別意溪邊樹我已
北歸君方南去天涯客裏多岐路湏君早
出瘴煙來江南山色青無數

又壽黃堅叟併以送行

時雨初晴詔書隨至邦人父老爲君喜十
年江海始歸來祥曦殿裏攬班對日月

開明風雲感會切須穩上平戎計天教慈
母壽無窮看君黃髮腰金貴

又 爲朱漕壽

桂嶺南邊湘江東畔三年兩見生申旦知
君心地與天通天教仙骨年年換 趁此
秋風乘槎霄漢看看黃紙書來喚但令丹
鼎永頻添莫辭酒盞春無筭

醜奴兒

張仲欽母夫人壽

年年有箇人生日誰似君家誰似君家八
十慈親髮未華 棠陰閣上棠陰滿滿勸

流霞滿勸流霞來歲應添宰路沙

又

張仲欽生日用前韻

伯鸞德耀賢夫婦見說宜家見說宜家庭
砌木森森長玉華天公遣注長生籍服日
飡霞服日飡霞壽紀應須海筭沙

又

王公澤爲予言
查山之勝戲贈

十年聞說查山好何日追遊木落霜秋夢
想雲溪不那愁主人好事長留客尊酒
夷猶一笑登樓興在西峯上上頭

又

十分濟楚邦之媛此日追遊雨霽雲收夢
入瀟湘不那愁 主人白玉堂中老曾侍
凝旒滿酌瓊舟即上虛皇香案頭

又

珠燈璧月年時節纖手同携今夕誰知自
撚梅花勸一卮 逢人問道歸來也日日
佳期管有來時趁得收燈也未遲

又

無雙誰似黃郎子自鄮無譏月蒲星稀想
見歌場夜打圍 畫眉京兆風流甚應賦

蚺蟻楊柳依依何日文簫共駕歸

浣溪沙 劉恭父席上

卷旗直入蔡州城只倚精忠不要兵賊營
半夜落妖星 萬旅雲屯看整暇十眉環
坐却娉婷白麻早晚下天庭

又

玉節珠幢出翰林詩書謀帥眷方深威聲
虎嘯復龍吟 我是先生門下士相逢有
酒且教斟高山流水遇知音

又

絕代佳人淑且真
雪爲肌骨月爲神
燭前花底不勝春
倚竹袖長寒捲翠
凌波鞵小暗生塵
十分京洛舊家人

又

妙手何人爲寫真
只難傳處是精神
一枝占斷洛城春
暮雨不堪巫峽夢
西風莫障庾公塵
扁舟湖海要詩人

又 瑞香

臍後春前別一般
梅花枯淡水仙寒
翠雲裘著紫霞冠
仙品只今推第一
清香元

不是人間爲君更試小龍團

又 餞鄭憲

寶蠟燒春夜影紅梅花枝傍錦薰籠曲瓊
低捲瑞香風 萬里江山供燕几一時賓
主看談鋒問君歸計莫匆匆

又 親舊蘄口相訪

六客西來共一舟吳兒蹋浪剪輕鷗水光
山色翠相浮 我欲吹簫明月下略酒停
棹晚風頭從前五度到蘄州

又

已是人間不繫舟
此心元自不驚鷗
卧看駭浪與天浮
對月只應頻舉酒
臨風何必更搔頭
暝煙多處是神州

又

冉冉幽香解鈿囊
蘭橈煙雨暗春江
十分清瘦爲蕭郎
遙憶牙樯收楚纜
應將玉筋點吳粧
有人縈斷九回腸

又

樓下西流水拍堤
樓頭日日望春歸
雪晴風靜燕來遲
留得梅花供半額
要將楊

葉畫新眉莫教辜負早春時

又去荊州

方舡載酒下江東
簫鼓喧天浪拍空
萬山紫翠映雲重
擬看岳陽樓上月
不禁石首岸頭風
作牋我欲問龍公

又

次韻戲馬夢山與妓作別

羅鞵生塵洛浦東
美人春夢瑣牕空
眉山蹙恨幾千重
海上蟠桃留結子
渥洼天馬去追風
不須多怨主人公

又

夢山未釋然再作

一片西飛一片東高情已逐落花空舊歡
休問幾時重 結習正如刀舐蜜掃除須
著絮因風請君持此問龐公

又

鳩鵲樓高晚雪融鴛鴦池暖暗潮通鬱金
黃染柳絲風 油壁不來春草綠闌干倚
徧夕陽紅江南山色有無中

又

妬婦灘頭十八姨顛狂無賴占佳期喚它
滕六把春欺 憚慙鶯鶯并燕燕恹惶柳

柳與梅梅東君獨自落便宜

又 洞庭

行盡瀟湘到洞庭
楚天闊處數峯青
旗梢不動晚波平
紅蓼一灣紋纈亂
白魚雙尾玉刀明
夜涼舡影浸疎星

又 坐上十八客

同是瀛洲母府仙
只今聊結社中蓮
胡笳按拍酒如川
喚起封姨清晚景
更將荔子薦新圓
從今三夜看嬋娟

又 用沈約之韻

二二八十一
二海集三三三
細仗春風簇翠筵爛銀袍拂禁爐煙旃書
名字壓宮垣 太學諸生推獨步玉堂學
士合登仙乃翁種德滿心田

又

賦微之提刑繡扇

只說閩山錦繡幃忽從團扇得生枝縵紅
衫子映豐肌 春線應怜壺漏永夜針頻
見燭花摧塵飛一騎憶來時

又

煙水亭蔡定夫置酒

灩灩湖光綠一圍脩林斷處白鷗飛天機
雲錦蘸空飛 乞我百弓真可老爲公一

飲醉忘歸扁舟日日弄晴暉

又

晚雨瀟瀟急做秋西風掠鬢已颼颼燭花
明夜酒花浮醉眼定知非妙賞
詞端
為
留想君涇渭不同流

又

母氏生朝老者同在舟中

穩泛仙舟上錦帆桃花春浪舞清灣壽星
相伴到人間黃石公傳三百字西王母
授九霞丹銀潢有路接三山

又

貢茶沈水爲揚齊伯壽

北苑春風小鳳團
炎州沉水勝龍涎
殷勤送與繡衣仙
玉食鄉來思苦口
芳名只合上凌煙
天教富貴出長年

又

霜日明霄水蘸空
鳴鞘聲裏繡旗紅
澹煙衰草有無中
萬里中原烽火北
一尊濁酒戍樓東
酒闌揮淚向悲風

又

再用韻

宮柳垂垂碧照空
九門深處五雲紅
朱衣只在殿當中
細撚絲梢龍尾北
緩携綸

旨鳳池東阿婆三五笑春風

又

日暖簾幃春晝長
纖纖玉指動擘床
低頭佯不顧檀郎
豈惹枝頭雙蛺蝶
芙蓉花下兩鴛鴦
壁間聞得唾茸香

又

消劉恭父別酒

射策金門記昔年
又交藩翰入陶甄
不妨衣鉢再三傳
粉淚但能添楚竹
羅巾誰解繫吳舡
捧盃猶願小留連

浪淘沙

琪樹間瑤林春意深深梅花還被曉寒禁
竹裏一枝斜向我欲訴芳心樓外卷重
陰玉界沉沉何人低唱醉泥金掠水飛來
雙翠碧應寄歸音

又

溪練寫寒林雲重煙深樓高風惡酒難禁
徙倚闌干誰共語江上愁心清興滿山
陰鴻斷魚沉一書何啻直千金獨撫瑤徽
絃欲斷憑寄知音

定風波

鈴索聲乾夜未央
曲闌花影步淒涼
莫道嶺南冬更暖
君看梅花如雪月如霜
見說墻西歌吹好
玉人扶坐勸飛觴
老子婆娑成獨冷
誰省自挑寒爇自添香

望江南

贈談獻可

談子醉獨立
睨東風未試玉堂揮翰手
只今楚澤釣魚翁
萬事舉杯空
謀一笑一笑與君同
身老南山看射虎
眼高四海送飛鴻
赤岸晚潮通

又

南嶽銓德觀作

朝元去深殿扣瑤鐘天近月明黃道冷參
回斗轉碧霄空身在九光中風露下環
珮響丁東玉案燒香縈翠鳳松壇移影動
蒼龍歸路海霞紅

醉落魄

輕黃澹綠可人風韻閑裝束多情早是眉
峯蹙一點秋波閑裏覷人毒桃花庭院
光陰速銅鞮誰唱大堤曲歸時想是櫻桃
熟不道秋千誰伴那人蹴

桃源憶故人

朔風弄月吹銀霰簾幙低垂三面酒入玉
肌香軟壓得寒威斂 檀槽乍撚么絲慢
彈得相思一半不道有人腸斷猶作聲聲顫

臨江仙

試問梅花何處好與君藉草携壺西園清
夜片塵無一天雲破碎兩樹玉扶踈 誰
擘昭華吹古怨散花便滿衣裾只疑幽夢
在清都星稀河影轉霜重月華孤

又

問訊宜樓樓下竹年來應長新篁使君五

嶺又三湘舊游知好在熟處更難忘 尚
念論心舒歎否只今湖海相望遙憐陰過
酒尊涼舉觴須醉我門外是清江

如夢令

木犀

花葉相遮相映雨過翠明金潤折得一枝歸
滿路清香成陣風韻風韻寄贈綺窻雲鬢

于湖居士文集卷第三十三

于湖居士文集卷第三十四

換真

樂府

菩薩蠻

立春

絲金縷翠幡兒小裁羅撚線花枝裊明日
是新春春風生鬢雲 吳霜看點點愁裏
春來淺只願此花枝年年長帶伊

又諸客赴東鄰之集

庭葉翻翻秋向晚涼砧敲月催金剪樓上
已清寒不堪頻倚欄 鄰翁開社甕喚客
情應重不醉且無歸醉時歸路迷

又

恰則春來春又去憑誰說與春教住與問
坐中人幾回迎送春 明年春更好只怕
人先老春去有來時願春長見伊

又

東風約略吹羅幕一簷細雨春陰薄試把
杏花看濕紅嬌暮寒 佳人雙玉枕烘醉
鴛鴦錦折得最繁枝暖香生翠幃

又 贈箏妓

琢成紅玉纖纖指十三絃上調新水一弄

入雲聲月明天更青
匆匆鶯語轉待寓
昭君怨寄語莫重彈
有人愁倚欄

又

玉龍細點三更月
庭花影下餘殘雪
寒色到書幃
有人清夢迷
墻西歌吹好燭煖
香閨小多病怯
盃觴不禁冬夜長

又登浮玉亭

江山佳處留行客
醉餘老眼迷空碧
獨倚最高樓
乾坤日夜浮
微風吹笑語
白日魚龍舞
此意忽翩翩
憑虛吾欲仙

又

雪消墻角收燈後野梅官柳春全透池閣
又東風燭花燒夜紅一尊留好客歌盡
闌干月已醉不須歸試聽烏夜啼

又

溶溶花月天如水闌干小倚東風裏夜久
寂無人露濃花氣清悠然心獨喜此意
知何意不似隱墻東燭花圍坐紅

又 夜坐清心閣

暗潮清漲蒲塘晚斷雲不隔東歸眼堂上

晚風涼藕花開處香
夜航人不渡白鷺
雙飛去待得月華生
携筇獨自行

又

縹緲飛來雙綵鳳
雨踈雲澹撩清夢
蘭薄未禁秋月華
如水流采香溪上路
愁滿參差樹
獨倚晚樓風斷霞
縈素空

又

薜蘿白芷愁煙渚
曲瓊細卷江南雨
心事怯衣單
樓高生晚寒
雲鬟香霧濕翠袖
淒餘泣春去
有來時春從沙際歸

又 艤舟采石

十年長作江頭客
檣竿又掛西風席
白鳥去邊明
楚山無數青
倒冠仍落珮
我醉君須醉
試問識君不
青山與白鷗

又 和州守胡明秀席上

乳羝屬國歸來早
知君膽大身猶小
一節不須論功名
看致君鎮西樓上酒
父老爲公壽
更祝太夫人
年年封詔新

又

烟脂淺染雙珠樹
東風到處嬌無數
不語

恨厭厭何人思故園
故園花爛熳笑我
歸來晚我老只思歸
故園花雨時

又與同舍游湖歸

具波細卷東風急
斜陽半落蒼煙濕
一棹采菱歌倚欄
人柰何天公憐
好客酒面風吹白
更引十玻璃
月明騎鶴歸

又

冥濛秋夕溽清露
玉繩耿耿銀潢注
永夜滴銅壺
月華樓影孤
佳人紆絕唱
翠幙叢霄上
休勸玉東西
烏鷄枝上啼

西江月

問訊湖邊春色重來又是三年東風吹我
過湖舡楊柳絲絲拂面 世路如今已慣
此心到處悠然寒光亭下水如天飛起沙
鷗一片

又

風定灘聲未已雨來篷底先知岸邊楊柳
最憐伊憶得舡兒曾繫 湖霧平吞白塔
茅簷自有青旗三杯村酒醉如泥天色寒
呵且睡

又重九

冉冉寒生碧樹盈盈露濕黃花故人玉節
有光華高會仍逢戲馬萬事只今如夢
此身到處爲家與君相遇更天涯拚了菜
萸醉把

又張欽夫壽

諸老何煩薦口先生自簡淵衷千年聖學
有深功妙處無非日用已授一編圮下
却須三顧隆中鴻鈞早晚轉春風我亦從
君賈勇

又代五二弟
為老母壽

慈母行封大國老仙早上蓬山天憐陰德
徧人間賜與還丹七返莫問清都紫府
長教綠鬢朱顏年年今日綵衣斑兄弟同
扶酒盞

又生起 斬倅李君達才當靖東建炎之間以諸
賦為感嘆 此 兵河東婁摧強敵蓋未知其事重

不識平原太守向來水北山人世間功業
謾虧成華髮蕭蕭滿鏡幸有田園故里
聊分風月江城西湖西畔晚波平袖手時

來照影

又

樓外疎星印水樓頭畫燭烘簾憑高舉酒
恨厭厭征路虛無指點酒興因君開闊
山容向我增添一鈎新月弄纖纖濃霧花
房半斂

又阻風三峯下

滿載一舡秋色平鋪十里湖光波神留我
看斜陽放起鱗鱗細浪明日風回更好
今宵露宿何妨水晶宮裏奏霓裳準擬岳

陽樓上

又 桂州同僚餞別

窻戶青紅尚濕主人已作歸期坐中賓客
盡鄒枚盛事它年應記 別酒深深但勸
離歌緩緩休催扁舟明日轉清溪好月相
望千里

又 以隋索靖小字法華
經及古器為老人壽

漢鑄九金神鼎隋書小字蓮經剛風劫火
轉青冥護守應煩仙聖 昨夢歸來帝所
今朝壽我親庭只將此寶伴長生談笑中

原底定

又飲百花亭為武夷樞密先生作
亭望廬山雙劍峯為惡竹所蔽

是夕盡
代去

落日鎔金萬頃晴嵐洗劍雙鋒紫樞元是
黑頭公佳處因君愈重分得湖光一曲
喚回廬嶽千峯清尊今夜偶然同早晚商
巖有夢

又為樞密太
夫人壽

疇昔通家事契只今兩鎮交承起居樞密
太夫人綠鬢斑衣相映乞得神仙九醞

祝教福祿千春台星直上壽星明長見門
闡鼎盛

減字木蘭花

江陰州治漾花池

佳人絕妙不惜千金頻買笑燕姁鶯嬌始
遣清歌透碧霄 王人好事更倒一尊留
客醉我醉思家月滿南池欲漾花

又

一尊留夜寶蠟烘簾光激射凍合銅壺細
聽冰簷夜剪酥 清愁冉冉酒喚紅潮登
玉臉明日重看玉界瓊樓特地寒

又

愛而不見立馬章臺空便面想像娉婷只
恐丹青畫不成 詩人老去恰要鶯鶯相
伴住試與平章歲晚教人枉斷腸

又

阿誰曾見馬上墻陰通半面玉立娉婷一
點靈犀寄目成 明朝重去人在橫溪溪
畔住喬木千章搖落霜風只斷腸

又

琵琶亭林守王倅送別

江頭送客楓葉荻花秋索索絃索休彈清

三石齋集卷三十四
淚無多怕濕衫 故人相遇不醉如何歸
得去我醉忘歸煙滿空江月滿堤

又 二十六日立春

春如有意未接年華春已至春事還新多
得年時五日春 春郊便綠只向臘前春
已足屈指元宵正是新春二十朝

又 黃堅叟母生日

慈闈生日見說今年年九十戲綵盈門大
底孩兒七箇孫 人間喜事只這一般難
得似願我雙親都似君家太淑人

又

贈尼師舊伯奴也

吹簫汎月往事悠悠休更說拍碎琉璃始
覺從前萬事非清齋淨戒休作斷腸垂
淚債識破囂塵作箇逍遙物外人

又

人間竒絕只有梅花枝上雪有箇人人梅
樣風標雪樣新芳心不展嫩綠陰陰愁
冉冉一笑相看試薦冰盤一點酸

又

柳花搦柳知道東君留意久慘綠愁紅焦

悴都因一夜風 輕狂蝴蝶擬欲扶持心
又怯要免離披不告東君更告誰

清平樂

殿廬有作

光塵撲撲宮柳低迷綠鬪鴨闌干春詰曲
簾額微風繡蹙 碧雲青翼無憑困來小
倚銀屏楚夢不禁春晚黃鸝猶自聲聲

又

揚侯書院聞酒所奏樂

油幢畫戟玉鉉調春色勳閥諸郎俱第一
風流前輩敵 玉人雙鞵華驥翠雲深處
消搖有客留君東閣時聞風下笙簫

又梅

吹香嚼蕊獨立東風裏玉凍雲嬌天似水
羞殺夭桃濃李如今見說闌干不禁月
冷霜寒壠上驛程人遠樓頭戍角聲乾

又壽叔父

英姿慷慨獨立風塵外湖海平生豪氣在
行矣雲龍際會充庭蘭玉森森一觴共
祝脩齡此地去天尺五明年持橐西清

又

向來省戶謀國參伊呂暫借良籌非再舉

談笑肅清三楚 良辰上客徜徉奏篇猶
記傳香此日一罇相屬它時同在巖廊

點絳脣

贈袁立道

四到蘄州今年更是逢重九應時納祐隨
分開尊酒 婁舞婆婆醉我平生友休回
首世間何有明月踈踈柳

又

餞劉恭父

綺燕高張玉潭月麗玻璃滿旆霞行卷無
復長安遠 夏木陰陰路裊薰風轉空留
戀細吹銀筦別意隨聲緩

又

萱草榴花畫堂永晝風清暑麝團菰黍助
泛菖蒲醕 兵碎神符命續同心縷宜歡
聚綺筵歌舞歲歲酬端午

卜筮子

雪月最相宜梅雪都清絕去歲江南見雪
時月底梅花發 今歲早梅開依舊年時
月冷艷孤光照眼明只欠些兒雪

訴衷情

中秋不見月

晚煙斜日思悠悠西北有高樓十分準擬

明月還似去年遊
飛玉笋卷瓊鈎
喚新愁
姮娥貪共暮雨朝雲
忘了中秋

又 牡丹

亂紅深紫過羣芳
初欲減春光
花王自有標格
塵外鎖韶陽
留國艷問仙鄉
自天香
翠帷遮日紅燭
通宵與醉千場

好事近 木犀

一朵木犀花
珍重玉纖新摘
插向遠山深處
占十分秋色
滿園桃李開
春風漫紅
紅白白爭似
淡粧嬌面
伴蓬萊仙客

又 冰花

萬瓦雪花浮應是化工融結仍看牡丹初
綻有層層千葉 鏤冰剪水更鮮明說道
真竒絕來報主人佳兆慶我公還闕

南歌子

仲彌性席上

曾到蘄州不人人說使君使君才具合經
綸小試邊城早晚上星辰 佳節重陽近
清歌午夜新舉杯相屬莫辭頻後日相思
我已 是行人

又

贈吳伯承

人物羲皇上詩名沈謝間漫郎元自謾爲
官醉眼曾騰只擬看湘山小隱今成趣
鄰翁獨往還野堂梅柳尚春寒且趁華燈
頻泛酒舡寬

霜天曉角

柳絲無力冉冉縈愁碧繫我舡兒不住楚
江上晚風急棹歌休怨柳有人離恨極
說與歸期不遠剛不信淚偷滴

生查子

遠山眉黛橫媚柳開青眼樓閣斷霞明簾

幙春寒淺 杯延玉漏遲 燭怕金刀剪 明月忽飛來 花影和簾卷

長相思

小樓重下簾櫳 萬點芳心 綠間紅鞦韆 圖畫中 草茸茸 柳鬆鬆 細卷玻璃 水面風 春寒依舊濃

憶秦娥 元夕

元宵節 鳳樓相對 鰲山結 鰲山結 香塵隨 步柳梢 微月 多情又把珠簾揭 遊人不放 笙歌歇 笙歌歇 曉煙輕散 帝城宮闕

蒼梧謠 錢劉恭父

歸十萬人家兒樣啼公歸去何日是來時

又

歸獵獵薰風颭繡旗攔教任重舉送行盃

又

歸數得宣麻拜相時秋前後公袞更萊衣

于湖居士文集卷第三十四


乙卯六月十六日寫訖梅真

伯宛景稜宋元本詞多從舊槧精鈔裁篇
別出其旨以詞家自管無鉅裘欲剏為之
以存古刻真面目四五年来僅成二十餘
種海內珍儲搜摭畧具克文近獲宋刻于
湖居士集為世間絕無之本屬內子梅真
手撫樂府四卷貽以上版備南宋大家之

一乙卯八月項城袁克文記




景宗本渭南詞二卷



景來本

燭南詞

二
齊



渭南文集卷第四十九

山陰陸游務觀

詞

赤壁詞

招韓無咎遊金山

禁門鍾曉憶君來朝路初翔鸞鵠西府中臺
推獨步行對金蓮宮燭感繡華鞞仙葩寶帶
看即飛騰速人生難料一尊此地相屬

回首紫陌青門西湖閑院鎖千梢脩竹素壁
棲鴉應好在殘夢不堪重續歲月驚心功名
看鏡短鬢無多綠一歡休惜與君同醉浮玉

浣沙溪

和無咎韻

嬾向沙頭醉玉瓶
喚君同賞小窻明
夕陽吹角最關情
忙日苦多閑日少
新愁常續舊
愁生客中無伴怕君行

其二

南鄭席上

浴罷華清第二湯
紅絲撲粉玉肌涼
娉婷初試藕絲裳
鳳尺裁成猩血色
螭奩熏透麝
臍香水亭幽處捧霞觴

青玉案

與朱景參會北嶺

西風挾雨聲翻浪
恰洗盡黃茅瘴
老慣人間

齊得喪千巖高卧五湖歸棹替却凌煙像
故人小駐平戎帳白羽腰間氣何壯我老漁
樵君將相小槽紅酒晚香丹荔記取蠻江上

水調歌頭

多景樓

江左占形勝最數古徐州連山如畫佳處縹
渺著危樓鼓角臨風悲壯烽火連空明滅往
事憶孫劉千里曜戈甲萬竈宿貔貅 露露
草風落木歲方秋使君宏放談笑洗盡古今
愁不見襄陽登覽磨滅遊人無數遺恨黯難
收叔子獨千載名與漢江流

浪淘沙

丹陽浮玉亭席上作

綠樹暗長亭幾把離尊陽關常恨不堪聞何
況今朝秋色裏身是行人 清淚浥羅巾各
自消魂一江離恨恰平分安得千尋橫鐵鎖
截斷煙津

定風波

進賢道上見
梅贈王伯壽

欵帽垂鞭送客回小橋流水一枝梅
衰病逢春都不記誰謂幽香却解逐人來
安得身閑頻置酒携手與君看到十分開
少壯相從今雪鬢因甚流年羈恨兩相催

南鄉子

歸夢寄吳檣水驛江程去路長想見芳洲初
繫纜斜陽煙樹參差認武昌 愁鬢點新霜
曾是朝衣染御香重到故鄉交舊少淒涼却
恐它鄉勝故鄉

其二

早歲入皇州罇酒相逢盡勝流三十年來真
一夢堪愁客路蕭蕭兩鬢秋 蓬嶠偶重遊
不待人嘲我自羞看鏡倚樓俱已矣扁舟月
笛煙蓑萬事休

滿江紅

危堞朱欄登覽處一江秋色人正似征鴻社
燕幾番輕別繾綣難忘當日語淒涼又作它
鄉客問鬢邊都有幾多絲真堪織楊柳院
秋千陌無限事成虛擲如今何處也夢魂難
覓金鴨微溫香縹渺錦茵初展情蕭瑟料也
應紅淚伴秋霖燈前滴

其二

夔州催王伯禮
侍御尋梅之集

踈藥幽香禁不過晚寒愁絕那更是巴東江
上楚山千疊歌帽閑尋西灤路鞞鞭笑向南

枝說恐使君歸去上鑿坡孤風月 清鏡裏
悲華髮山驛外溪橋側悽然回首處鳳凰城
闕憔悴如今誰領略飄零已是無顏色問行
厨何日喚賓僚猶堪折

感皇恩

伯禮立春
生日

春色到人間綵旛初戴正好春盤細生菜一
般日月只有仙家偏耐雪霜從點鬢朱顏在
溫詔鼎來延英催對鳳閣鸞臺看除拜對
衣裁穩恰稱毬紋新帶箇時方旋了功名債

其二

小閣倚秋空下臨江渚漠漠孤雲未成雨數
聲新鴈回首杜陵何處壯心空萬里人誰許
黃閣紫樞築壇開府莫怕功名欠人做如
今熟計只有故鄉歸路石帆山脚下菱三畝

好事近

寄張
真甫

羈鴈未成歸腸斷寶箏零落那更凍醪無力
似故人情薄瘴雲蠻雨暗孤城身在楚山
角煩問劔南消息怕還成疎索

其二

風露九霄寒侍宴玉華宮闕親向紫皇香案

見金芝千葉 碧壺仙露醞初成 香味兩奇
絕醉後却騎丹鳳看蓬萊春色

其三

次宇文
卷巨韻

客路苦思歸愁似蠶絲千緒 夢裏鏡湖煙雨
看山無重數 尊前消盡少年狂慵著 送春
語花落燕飛庭戶 歎年光如許

其四

歲晚喜東歸掃盡市朝陳迹 揀得亂山環處
釣一潭澄碧 賣魚沽酒醉還醒 心事付橫
笛家在萬重雲外有沙鷗相識

其五

華表又千年誰記駕雲孤鶴回首舊曾遊處
但山川城郭紛紛車馬滿人間塵土汗芒
屨且訪葛仙丹井看巖花開落

其六

揮袖別人間飛躡峭崖蒼壁尋見古僊丹竈
有白雲成積心如潭水靜無風一坐數千
息夜半忽驚竒事看鯨波暎日

其七

湓口放船歸薄暮散花洲宿兩岸白蘋紅蓼

映一萋新綠 有沽酒處便爲家
菱芡四時足 明日又乘風去任江南江北

其八

登梅仙山
絕頂望海

揮袖上西峯 孤絕去天無尺拄杖下臨鯨海
數煙帆歷歷 貪看雲氣舞青鸞歸路已將
夕多謝半山松吹解慙慙留客

其九

小倦帶餘醒 澹澹數櫺斜日驅退睡魔十萬
有雙龍蒼壁 少年莫笑老人裘風味似平
昔扶杖凍雲深處探溪梅消息

其一

覓箇有緣人分付玉壺靈藥誰向市塵深處
識遼天孤鶴月中吹笛下巴陵條華赴前
約今古廢興何限歎山川如昨

其十一

平旦出秦關雪色駕車雙鹿借問此行安往
賞清伊脩竹漢家宮殿劫灰中春草幾回
綠君看變遷如許況紛紛榮辱

其十二

秋曉上蓮峯高躡倚天青壁誰與放翁爲伴

有天壇輕策 鏗然忽變赤龍飛雷
雨四山黑談笑做成豐歲笑禪龕柳
栗

鷓鴣天

送葉夢錫

家住東吳近帝鄉平生豪舉少年場十千
沽酒青樓上百萬呼盧錦瑟傍身易老
恨難忘尊前贏得是淒涼君歸爲報京華
舊一事無成兩鬢霜

其二

陵前驛作

看盡巴山看蜀山子規江上過春殘慣眠

古驛常安枕熟聽陽關不慘顏
慵服氣
嬾燒丹不妨青鬢戲人間
祕傳一字神仙
訣說與君知只是頑

其三

梳髮金盤剩一窩
畫眉鸞鏡暈雙蛾
人間何處無春到
只有伊家獨占多
微步處
柰嬌何春衫初換
麴塵羅東隣鬪草歸來
晚忘却新傳子夜歌

其四

家住蒼煙落照間
絲毫塵事不相關
斟殘玉

濯行穿竹卷罷黃庭卧看山 貪嘯傲任衰
殘不妨隨處一開顏元知造物心腸別老却
英雄似等閑

其五

插脚紅塵已是顛更求平地上青天新來有
箇生涯別買斷煙波不用錢 沽酒市採菱
船醉聽風雨擁蓑眠三山老子真堪笑見事
遲來四十年

其六

嬾向青門學種瓜只將漁釣送年華雙雙新

燕飛春岸片片輕鷗落晚沙
歌縹渺艣嘔啞酒如清露
蘇如花逢人問道歸何處
笑指船兒此是家

其七 蘇蕭家席上作

南浦舟中兩玉人
誰知重見楚江濱
憑教後苑紅牙版
引上西川綠錦茵
纔淺笑却輕嘖
淡黃楊柳又催春
情知言語難傳恨
不似琵琶道得真

驀山溪 送伯禮

元戎十乘出次高唐館
歸去舊鷁行更何人

齊飛霄漢瞿唐水落惟是淚波深催疊鼓起
牙檣難鏖長江斷 春深鰲禁紅日宮馥暖
何處望音塵黯消翳層城飛觀人情見慣不
敢恨相忘梅驛外蓼灘邊只待除書看

又
遊三榮
龍洞

窮山孤壘臘盡春初破寂寞掩空齋好一箇
無聊底我嘯臺龍岫隨分有雲山臨淺瀨蔭
長松閑據胡床坐 三杯徑醉不覺紗巾墮
畫角喚人歸落梅村籃輿夜過城門漸近幾
點妓衣紅官驛外酒壚前也有閑燈火

木蘭花

立春
日作

三年流落巴山道
破盡青衫塵滿帽
身如西
灤渡頭雲愁抵瞿唐關上草
春盤春酒年
年好試戴銀幡判醉倒
今朝一歲大家添不
是人間偏我老

朝中措

梅

幽姿不入少年場
無語只淒涼
一箇飄零身
世十分冷淡心腸
江頭月底新詩舊夢孤
恨清香任是春風
不管也曾先識東皇

其二

代譚德
稱作

怕歌愁舞嬾逢迎
粧晚託春醒
總是向人深
處當時枉道無情
關心近日啼紅密
訴剪綠深盟
杏館花陰恨淺
畫堂銀燭嫌明

其三

寥寥儻鼓餞
流年燭焰動金船
綵燕難尋前
夢酥花空點春妍
文園謝病蘭成久
旅回首凄然
明月梅山笛
夜和風禹廟
鶯驚天

臨江仙

離果州作

鳩雨催成新綠
燕泥收盡殘紅
春光還與美人同
論心空眷眷
分袂却匆匆
只道真情

易寫那知怨句難工水流雲散各西東半廊
花院月一帽柳橋風

蝶戀花

離小
益作

陌上簫聲寒食近雨過園林花氣浮芳潤千
里斜陽鍾欲暝憑高望斷南樓信 海角天
涯行略盡三十年間無處無遺恨天若有情
終欲問忍教霜點相思鬢

其二

桐葉晨飄蛩夜語旅思秋光黯黯長安路忽
記橫戈盤馬處散關清渭應如故 江海輕

舟今已具一卷兵書歎息無人付早信此生
終不遇當年悔草長楊賦

其三

水漾萍根風卷絮倩笑嬌顰忍記逢迎處只
有夢魂能再遇堪嗟夢不由人做 夢若由
人何處去短帽輕衫夜夜眉州路不怕銀缸
深繡戶只愁風斷青衣渡

釵頭鳳

紅酥手黃滕酒滿城春色宮牆柳東風惡歡
情薄一懷愁緒幾年離索錯錯錯 春如舊

人空瘦淚痕紅浥蛟綃透
桃花落閑池閣山盟雖在錦書難託
莫莫莫

清商怨

葭萌驛作

江頭日暮痛飲乍雪晴猶凜
山驛淒涼燈昏人獨寢
鴛機新寄斷錦歎往事不堪重省
夢破南樓綠雲堆一枕

水龍吟

樂南作

樽前花底尋春處
堪歎心情全減
一身萍寄酒徒雲散
佳人天遠
那更今年瘴煙蠻雨夜
郎江畔漫倚樓橫
笛臨窻看鏡時
揮涕驚流

轉 花落月明庭院悄無言魂消腸斷憑肩
携手當時曾効畫梁栖燕見說新來網縈塵
暗舞衫歌扇料也羞憔悴慵行芳徑怕啼鴛
見

秋波媚

七月十六日晚登高
興亭望長安南山

秋到邊城角聲哀烽火照高臺悲歌擊筑憑
高酌酒此興悠哉 多情誰似南山月特地
暮雲開灞橋煙柳曲江池館應待人來

其二

曾散天花藥珠宮一念墮塵中鈿華洗盡珠

璣不御道骨仙風 東遊我醉騎鯨去君駕
素鸞從垂虹看月天台采藥更與誰同

采桑子

寶釵樓上粧梳晚嬾上鞦韆閑撥沉煙金縷
衣寬睡髻偏鱗鴻不寄遼東信又是經年
彈淚花前愁入春風十四絃

卜筮子

梅詠

驛外斷橋邊寂寞開無主已是黃昏獨自愁
更著風和雨無意苦爭春一任羣芳妬零
落成泥碾作塵只有香如故

沁園春

三榮橫溪
閣小宴

粉破梅梢綠動，管叢春意已深。漸珠簾低卷，
筇枝微步，冰開躍鯉。林暖鳴禽，荔子扶踈竹，
枝哀怨。濁酒一尊，和淚斟，憑欄久歎山川。冉
冉歲月駸駸，當時豈料，如今漫一事無成。
霜鬢復看，故人強半，沙堤黃閣魚懸帶。玉貂
映蟬金許國，雖堅朝天無路，萬里淒涼誰寄。
音東風裏，有灞橋煙柳，知我歸心。

其二

一別秦樓轉眼，新春又近。放燈憶盈盈倩笑。

纖纖柔握玉香花語雪暖酥凝念遠愁腸
傷春病思自怪平生殊未曾君知否漸香消
蜀錦淚漬吳綾 難求繫日長繩况倦客飄
零少舊朋但江郊鴈起漁村笛怨寒釭委燼
孤硯生冰水繞山圍煙昏雲慘縱有高臺常
怯登消竄處是魚牋不到蘭夢無憑

其三

孤鶴歸飛再過遼天換盡舊人念纍纍枯冢
茫茫夢境王侯螻螘畢竟成塵載酒園林尋
花巷陌當日何曾輕負春流年改歎圍腰帶

剩點鬢霜新 交親散落如雲又豈料如今
餘此身幸眼明身健茶甘飯軟非惟我老更
有人貧及盡危機消殘壯志短艇湖中閑采
蓴吾何恨有漁翁共醉谿友爲隣

憶秦娥

玉花驄晚街金轡聲瓊瓏聲瓊瓏閑歌烏帽
又過城東 富春巷陌花重重千金沽酒酬
春風酬春風笙歌圍裏錦繡叢中

漢宮春

張園賞海棠作園
故蜀燕王宮也

浪迹人間喜聞猿楚峽學劔秦川虛舟汎然

不繫萬里江天朱顏綠鬢作紅塵無事神僊
何妨在鶯花海裏行歌閑送流年 休笑放
慵狂眼看閑坊深院多少嬋娟燕宮海棠夜
宴花覆金船如椽畫燭酒闌時百炬吹煙憑
寄語京華舊侶幅巾莫換貂蟬

其二

初自南鄭
來成都作

羽箭雕弓憶呼鷹古壘截虎平川吹笳暮歸
野帳雪壓青氈淋漓醉墨看龍蛇飛落蠻牋
人誤許詩情將略一時才氣超然 何事又
作南來看重陽藥市元夕燈山花時萬人樂

處歌帽垂鞭聞歌感舊尚時時流涕尊前君
記取封侯事在功名不信由天

月上海棠

成都城南有蜀王舊苑尤多梅皆二百餘年古木

斜陽廢苑朱門閉吊興亡遺恨淚裏淡淡
宮梅也依然點酥剪水凝愁處似憶宣華舊
事行人別有淒涼意折幽香誰與寄千里
佇立江皋杳難逢隴頭歸騎音塵遠楚天危

樓獨倚

宣華故蜀苑名

其二

蘭房繡戶厭厭病歎春醒和悶甚時醒燕子

空歸幾曾傳玉關邊信傷心處獨展團窠瑞
錦熏籠消歇沉煙冷淚痕深展轉看花影
漫擁餘香怎禁他峭寒孤枕西牕曉幾聲銀
瓶玉井

烏夜啼

金鴨餘香尚暖綠窻斜日偏明蘭膏香染雲
鬢膩釵墜滑無聲冷落鞦韆伴侶闌珊打
馬心情繡屏驚斷瀟湘夢花外一聲鶯

其二

簷角楠陰轉日樓前荔子吹花鷓鴣聲裏霜

天晚疊鼓已催衙 鄉夢時來枕上京書不
到天涯邦人訟少文移省閑院自煎茶

其三

我校丹臺玉字君書蕊殿雲篇錦官城裏重
相遇心事兩依然 携酒何妨處處尋梅共
約年年細思上界多官府且作地行僊

其四

世事從來慣見吾生更欲何之鏡湖西畔秋
千頃鷗鷺共忘機 一枕蘋風午醉二升菰
米晨炊故人莫訝音書絕釣侶是新知

其五

素意幽棲物外塵緣浪走天涯歸來猶幸身
強健隨分作山家 已趁餘寒泥酒還乘小
雨移花柴門盡日無人到一徑傍谿斜

其六

園館青林翠樾衣巾細葛輕紈好風吹散霏
微雨沙路喜新乾 小燕雙飛水際流鶯百
轉林端投壺聲斷彈碁罷閑展道書看

其七

從官元知漫漫浪還家更覺清真蘭亭道上多

脩竹隨處岸綸巾
泉冽偏宜雪茗杭香雅
稱絲尊脩然一飽西
牕下天地有閑人

其八

紈扇嬋娟素月紗巾
縹渺輕煙高槐葉長陰
初合清潤雨餘天
弄筆斜行小草鈎簾淺
醉閑眠更無一點塵埃
到枕上聽新蟬

真珠簾

山村水館參差路感
羈遊正似殘春風絮掠
地穿簾知是竟歸何處
鏡裏新霜空自憫問
幾時鸞臺翫署遲暮
謾憑高懷遠書空獨語

自古儒冠多誤悔當年早不扁舟歸去醉
下白蘋洲看夕陽鷗鷺菰菜鱸魚都棄了只
換得青衫塵土休顧早收身江上一蓑煙雨

好事近

混迹寄人閒夜夜畫樓銀燭誰見五雲丹竈
養黃芽初熟春風歸從紫皇遊東海宴賜
谷進罷碧桃花賦賜玉塵千斛

渭南文集卷第五十

山陰陸澗務觀

詞

柳梢青

故蜀燕王宮海棠之盛為成都第一今屬張氏

錦里繁華環宮故邱
壘萼奇花俊客妖姬爭
飛金勒齊駐香車
何須幙障幃遮寶杯浸
紅雲瑞霞銀燭光中
清歌聲裏休恨天涯

其二

乙巳二月西興贈別

十載江湖行歌沽酒不到京華底事翩然長
亭煙草衰鬢風沙
憑高目斷天涯細雨外

樓臺萬家只恐明朝一時不見人共梅花

夜遊宮

記夢寄
師伯渾

雪曉清笳亂起夢遊處不知何地鐵騎無聲
望似水想關河鴈門西青海際睡覺寒燈
裏漏聲斷月斜牕紙自許封侯在萬里有誰
知鬢雖殘心未死

其二

詞宮

獨夜寒侵翠被柰幽夢不成還起欲寫新愁
淚濺紙憶承恩歎餘生今至此 蔌蔌燈花
墜問此際報人何事咫尺長門過萬里恨君

心似危攔難久倚

安公子

風雨初經社子規聲裏春光謝最是無情零
落盡薔薇一架况我今年憔悴幽窻下人盡
怪詩酒消聲價向藥爐經卷忘却鶯鶯柳榭
萬事收心也粉痕猶在香羅帕恨月愁花
爭信道如今都罷空憶前身便面章臺馬因
自來禁得心腸怕縱遇歌逢酒但說京都舊
話

玉胡蝶

王忠州家
席上作

倦客平生行處墜鞭京洛解佩瀟湘此夕何
年來賦宋玉高唐繡簾開香塵乍起蓮步穩
銀燭分行暗端相燕羞鶯妬蝶遶蜂忙難
忘芳樽頻勸峭寒新退玉漏猶長幾許幽情
只愁歌罷月侵廊欲歸時司空笑悶微近處
丞相嗔狂斷人腸假饒相送上馬何妨

木蘭花慢

夜登青城
山玉華樓

閱邯鄲夢境歎綠鬢早霜侵柰華岳燒丹青
谿看鶴尚負初心年來向濁世裏悟真詮祕
訣絕幽深養就金芝九畹種成琪樹千林

星壇夜學步虛吟露冷透瑤簪對翠鳳披雲
青鸞遡月宮闕蕭森琅函一封奏罷自鈞天
帝所有知音却過蓬壺嘯傲世間歲月駸駸

蘇武慢

唐安西湖

澹靄空濛輕陰清潤綺陌細塵初靜平橋繫
馬畫閣移舟湖水倒空如鏡掠岸飛花傍簷
新燕都似學人無定歎連年戎帳經春邊壘
暗凋顏鬢空記憶杜曲池臺新豐歌管怎
得故人音信羈懷易感老伴無多談塵久閑
犀柄惟有翛然筆床茶竈自適筍輿煙艇待

言二
綠荷遮岸紅蕖浮水更乘幽興

齊天樂

左巖道中

角殘鍾晚關山路行人乍依孤店塞月征塵
鞭絲帽影常把流年虛占藏鴉柳暗歎輕負
鶯花謾勞書劍事往關情悄然頻動壯遊念
孤懷誰與強遣市壚沽酒酒薄怎當愁釀
倚瑟妍詞調鈿妙筆那寫柔情芳艷征途自
厭况煙斂蕪痕雨稀萍點最是眠時枕寒門
半掩

其二

三榮入日
遊龍洞作

客中隨處閑消悶來尋嘯臺龍岫路歛春泥
山開翠霧行樂年年依舊天工妙手放輕綠
萱牙淡黃楊柳笑問東君為人能染鬢絲否
西州催去近也帽簷風軟且看市樓沽酒
宛轉巴歌淒涼寒管携客何妨頻奏征塵暗
袖漫禁得梅花伴人踈瘦幾日東歸畫船平
放溜

望梅

壽非金石恨天教老向水程山驛似夢裏來
到南柯這些子光陰更堪輕擲戍火邊塵又

過了一年春色歎名姬駿馬盡付杜陵苑路
豪客長繩漫勞繫日看人間俛仰俱是陳
迹縱自倚英氣凌雲柰回盡鵬程鍛殘鸞翮
終日憑高諳不見江東消息筭沙邊也有斷
鴻倩誰問得

洞庭春色

壯歲文章暮年勲業自昔誤人筭英雄成敗
軒裳得失難如人意空喪天真請看邯鄲當
日夢待炊罷黃梁徐欠伸方知道許多時富
貴何處關身 人間定無可意怎換得玉鱸

絲尊且釣竿
漁艇筆牀茶
竈閑聽荷雨
一洗衣塵洛水
秦關千古後
尚棘暗銅駝
空愴神何須
更慕封侯定
遠圖像麒麟

漁家傲

寄仲高

東望山陰何處是
往來一萬三千里
寫得家書空滿紙
流清淚書回已是
明年事寄語紅橋
橋下水扁舟何日
尋兄弟行徧天涯
真老矣愁無寐
鬢絲幾縷茶煙裏

繡停針

歎半紀跨萬里
秦吳頓覺衰謝
回首鵷行英

俊並遊咫尺玉堂金馬氣凌嵩華負壯略縱
橫王霸夢經洛浦梁園覺來淚流如瀉山
林定去也却自恐說著少年時話靜院焚香
閑倚素屏今古總成虛假趁時婚嫁幸自有
湖邊茅舍燕歸應笑客中又還過社

桃源憶故人

并序

三榮郡治之西因子城作樓觀
曰高齋下臨山村蕭然如世外
予留七十日被命參成都戎幙
而去臨行徙倚竟日作桃源憶

故人一首

斜陽寂歷柴門閉一點炊煙時起雞犬往來
林外俱有蕭然意 衰翁老去踈榮利絕愛
山城無事臨去畫樓頻倚何日重來此

其二 應靈道中

欄干幾曲高齋路正在重雲深處丹碧未乾
人去高棟空留句 離離芳草長亭暮無奈
征車不住惟有斷鴻煙渚知我頻回顧

其三

一彈指頃浮生過隨甌元知當破去去醉吟

高卧獨唱何須和 殘年還我從來我萬里
江湖煙舸脫盡利名韉鏢世界元來大

其四

城南載酒行歌路 冶葉倡條無數一朶鞋紅
凝露最是關心處 鶯聲無賴催春去那更
兼旬風雨試問歲華何許芳草連天暮

其五

題華山圖

中原當日三川震 關輔回頭煨燼淚盡兩河
征鎮日望中興運 秋風霜滿青青鬢老却
新豐英俊雲外華 山千仞依舊無人問

極相思

江頭踈雨輕煙寒
食落花天翻紅墜素殘霞
暗錦一段淒然
惆悵東君堪恨處也不念
冷落樽前那堪更看漫空相趁
柳絮榆錢

一叢花

樽前凝佇漫覓迷
猶恨負幽期從來不慣傷
春淚爲伊後滴滿羅衣
那堪更是吹簫池館
青子綠陰時
回廊簾影晝參差
偏共睡相
宜朝雲夢斷知何處
倩雙燕說與相思從今
判了十分憔悴圖要箇人知

其二

仙姝天上自無雙
玉面翠蛾長黃庭讀罷心
如水閉朱戶愁近絲簧
惚明几淨閑臨唐帖
深炷寶奩香 人間無藥駐流光
風雨又催涼相逢共話清
都舊歎塵劫生死茫茫何如
伴我綠萼青筠秋晚釣瀟湘

隔浦蓮近拍

飛花如趁燕子直度簾櫳
裏帳掩香雲暖金籠鸚鵡
驚起凝恨慵梳洗粧臺畔
蘸粉纖纖指寶釵墜 才醒
又困厭厭中酒滋味墻頭

柳暗過盡一年春事
晝高樓怕獨倚千里
孤舟何處煙水

其二

騎鯨雲路倒景醉
回風吹醒笑把浮丘袂
寥然非復塵境
震澤秋萬頃煙霏散
水面飛金鏡
露華冷
湘妃睡起髮傾釵
墜慵整臨江
舞處零亂塞鴻清影
河漢橫斜夜漏永
人靜吹簫同過緱嶺

昭君怨

晝永蟬聲庭院人倦
嬾搖團扇小景寫瀟湘

自生涼 簾外蹴花雙燕
簾下有人同見寶篆
拆官黃炷熏香

雙頭蓮

呈范至能待制

華鬢星星蘓壯志成虛
此身如寄蕭條病驥
向暗裏消盡當年豪氣
夢斷故國山川隔重
重煙水身萬里舊社凋零
青門俊遊誰記
盡道錦里繁華歎官閑
晝永柴荆添睡清愁
自醉念此際付與何人
心事縱有楚拖吳檣
知何時東逝空悵望
鱸美菰香秋風又起

南歌子

送周機宜之益昌

異縣相逢晚中年作別難暮秋風雨客衣寒
又向朝天門外話悲歡 瘦馬行霜棧輕舟
下雪灘烏奴山下一林丹爲說三年常寄夢
寬間

豆葉黃

春風樓上柳腰肢初試花前金縷衣嫋嫋娉
娉不自持曉粧遲畫得蛾眉勝舊時

其二

一春常是雨和風風雨晴時春已空誰惜泥
沙萬點紅恨難窮恰似襄翁一世中

醉落魄

言二

江湖醉客投杯起舞遺烏幘三更冷翠露沾衣
濕嫋嫋菱歌催落半川月空花昨夢休尋
覓雲臺麟閣俱陳迹元來只有閑難得青史
功名天却無心惜

鵲橋仙

華燈縱博雕鞍馳射誰記當年豪舉酒徒一
一取封侯獨去作江邊漁父輕舟八尺低
篷三扇占斷蘋洲煙雨鏡湖元自屬閑人又
何必君恩賜與

其二

一竿風月一蓑煙雨家在釣臺西
住賣魚生怕近城門况肯到紅塵深處
潮生理擢潮平繫纜潮落浩歌歸去時
人錯把比嚴光我自是無名漁父

其三

夜聞杜鵑

茅簷人靜蓬牕燈暗春晚連江風雨
林鶯巢燕總無聲但月夜常啼杜宇
催成清淚驚殘孤夢又揀深枝飛去
故山猶自不堪聽况半世飄然羈旅

長相思

雲千重水千重身在千重雲水中月明收釣
筒頭未童耳未聾得酒猶能雙臉紅一尊
誰與同

其二

橋如虹水如空一葉飄然煙雨中天教稱放
翁側船篷使江風蟹舍參差漁市東到時
聞暮鍾

其三

面蒼然鬢皤然滿腹詩書不直錢官閑常晝

眠畫凌煙上甘泉自古功名屬少年知心
惟杜鵑

其四

暮山青暮霞明夢筆橋頭艇子橫蘋風吹酒
醒看潮生看潮平小住西陵莫較程尊絲
初可烹

其五

悟浮生厭浮名回視千鍾一髮輕從今心太
平愛松聲愛泉聲寫向孤桐誰解聽空江
秋月明

菩薩蠻

江天淡碧雲如掃
蘋花零落蓴絲老
細細晚波平
月從波面生
漁家真箇好
悔不歸來
早經歲
洛陽城
鬢絲添幾莖

其二

小院蠶眠春欲老
新巢燕乳花如掃
幽夢錦城西
海棠如舊時
當年真草草
一櫂還吳
早題罷
惜春詩
鏡中添鬢絲

訴衷情

當年萬里覓封侯
疋馬戍梁州
關河夢斷何

處塵暗舊貂裘 胡未滅鬢先秋 淚空流 此
生誰料 心在天山 身老滄洲

其二

青衫初入九重城 結友盡豪英 蠟封夜半傳
檄馳騎諭幽并 時易失志難成 鬢絲生平
章風月 彈壓江山 別是功名

生查子

還山荷 主恩聊試扶犁手 新結小茅茨 恰
占清江口 風塵不化衣 隣曲常持酒 那似
宦遊時 折盡長亭柳

其二

梁空燕委巢院靜鳩催雨香潤上朝衣客少
閑談塵鬢邊千縷絲不是吳蠶吐孤夢泛
瀟湘月落聞柔艣

破陣子

仕至千鍾良易年過七十常稀眼底榮華元
是夢身後聲名不自知營營端爲誰幸有
旗亭沽酒何妨繭紙題詩幽谷雲蘿朝採藥
靜院軒窓夕對棊不歸真箇癡

其二

看破空花塵世放輕昨夢浮名蠟屐登山真
率飲筇杖穿林自在行身閑心太平料峭
餘寒猶力廉纖細雨初晴苔紙閑題谿上句
菱唱遙聞煙外聲與君同醉醒

上西樓

一名相見歡

江頭綠暗紅稀燕交飛忽到當年行處恨依
依灑清淚歎人事與心違滿酌玉壺花露
送春歸

點絳脣

采藥歸來獨尋茅店沽新釀暮煙千嶂處處

聞漁唱 醉弄扁舟不怕黏天浪江湖上遮
回踈放作箇閑人樣

謝池春

壯歲從戎曾是氣吞殘虜陣雲高狼烽夜舉
朱顏青鬢擁雕戈西戍笑儒冠自來多誤
功名夢斷却泛扁舟吳楚漫悲歌傷懷弔古
煙波無際望秦關何處歎流年又成虛度

其二

賀監湖邊初繫放翁歸棹小園林時時醉倒
春眠驚起聽啼鶯催曉功名誤人堪笑

朱橋翠徑不許京塵飛到掛朝衣東歸欠早
連宵風雨捲殘紅如掃恨樽前送春人老

其三

七十衰翁不減少年豪氣似天山淒涼病驥
銅駝荆棘灑臨風清淚甚情懷伴人兒戲
如今何幸作箇故谿歸計鶴飛來晴嵐暎翠
玉壺春酒約群僊同醉洞天寒露桃開未

一落索

滿路遊絲飛絮韶光將暮此時誰與說新愁
有百轉流鶯語俯仰人間今古神仙何處

花前須判醉扶歸酒不到劉伶墓

其二

識破浮生虛妄從人譏謗此身恰似弄潮兒
曾過了千重浪 且喜歸來無恙一壺春釀
雨蓑煙笠傍漁磯應不是封侯相

杏花天

老來駒隙駸駸度算只合狂歌醉舞金杯到
手君休訴看著春光又暮 誰爲倩柳條繫
住且莫遣城笳催去殘紅轉眼無尋處盡屬
蜂房燕戶

太平時

竹裏房櫳一徑深
靜悄悄亂紅飛盡綠成陰
有鳴禽臨罷蘭亭無一事
自修琴銅爐裊裊
裊海南沉洗塵襟

戀繡衾

不惜貂裘換釣篷
嗟時人誰識放翁歸權借
樵風穩數聲聞林外暮鍾
幽棲莫笑蝸廬
小有雲山煙水萬重
半世向丹青看喜如今
身在畫中

其二

無方能駐臉上紅笑浮生擾擾夢中平地是
冲霄路又何勞千日用功 飄然再過蓮峯
下亂雲深吹下暮鍾訪舊隱依然在但鶴巢
時有墮松

風入松

十年裘馬錦江濱酒隱紅塵萬金選勝鶯花
海倚踈狂驅使青春吹笛魚龍盡出題詩風
月俱新 自憐華髮滿紗巾猶是官身鳳樓
常記當年語問浮名何似身親欲寄吳牋說
與這回真箇閑人

真珠簾

燈前月下嬉遊處向笙歌錦繡叢中相遇彼
此知名纔見便論心素淺黛嬌蟬風調別最
動人時時偷顧歸去想閑牕深院調絃促柱
樂府初翻新譜漫裁紅點翠閑題金縷燕
子入簾時又一番春暮側帽燕脂坡下過料
也記前年崔護休許待從今須與好花為主

風流子

一名內家嬌

佳人多命薄初心慕德耀嫁梁鴻記綠窻睡
起靜吟閑詠句翻離合格變玲瓏更乘興素

紉留戲墨纖玉撫孤桐蟾滴夜寒水浮微凍
鳳牋春麗花研輕紅 人生誰能料堪悲處
身落柳陌花叢空羨畫堂鸚鵡深閉金籠向
寶鏡鸞釵臨粧常晚繡茵牙版催舞還慵腸
斷市橋月笛燈院霜鍾

雙頭蓮

風卷征塵堪歎處青驄正搖金轡客襟貯淚
漫萬點如血憑誰持寄佇想艷態幽情壓江
南佳麗春正媚怎忍長亭匆匆頓分連理
目斷淡日平蕪煙濃樹遠微茫如薺悲歡夢

裏奈倦客又是關河千里最苦唱徹驪歌重
遲留無計何限事待與丁寧行時已醉

鷓鴣天

杖屨尋春苦未遲洛城櫻筍正當時三千界
外歸初到五百年前事揔知吹玉笛渡清
伊相逢休問姓名誰小車處士深衣叟曾是
天津共賦詩

蝶戀花

禹廟蘭亭今古路一夜清霜染盡湖邊樹鸚
鵡杯深君莫訴他時相遇知何處
冉冉年

華留不住鏡裏朱顏畢竟消磨去一向丁寧
君記取神仙須是閑人做